



Broj predmeta: **13-001360/21**
Broj akta: 01.1-1413EK-0022/21
Datum, 28.9.2021.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25 Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-001360/21 od 17.9.2021. godine i Mišljenja pravobranilaštva Brčko distrikta BiH broj: M-1044/21 od 24.9.2021. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1

(1) U provedenom otvorenom postupku za nabavku raznih vrsta uniformi, obuće i odjeće – lotovi 1-3 za potrebe Odjeljenja za javnu sigurnost Vlade Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je „GRUBIN EXPORT IMPORT“ d.o.o. Brčko.

Lot 1 - Nabavka radnih vatrogasnih uniformi za potrebe Odsjeka ZOP-a i spašavanje
Vrijednost ugovora sa uračunatim PDV-om iznosi **36.492,89 KM.**

Lot 2 - Nabavka radnih i sigurnosnih uniformi za potrebe Odsjeka civilne zaštite
Vrijednost ugovora sa uračunatim PDV-om iznosi **5.986,89 KM.**

Lot 3 - Nabavka radnih i sigurnosnih uniformi za potrebe Odsjeka OiO i FTZ
Vrijednost ugovora sa uračunatim PDV-om iznosi **17.487,41 KM.**

Član 2

Postupak je proveden na osnovu Odluke o pokretanju postupka javne nabavke broj: 13-001360/21 od 18.6.2021. godine, Obavještenja o nabavci na portalu javnih nabavki broj: 1157-1-1-331-3-336/21 od 7.7.2021. godine, specifikacije usluga u vezi sa Tenderskom dokumentacijom broj: 13-001360/21 i ponude najpovoljnijeg ponuđača.

Član 3

Finansiranje navedene nabavke će se izvršiti iz budžeta 2021. godine, organizacioni kod 14010001, ekonomski kod 613481.

Obrazloženje

Komisija za nabavke je nakon izvršenog otvaranja ponuda konstatovala da su dostavljene dvije ponude, sljedećih ponuđača: „Euro Vez“ d.o.o. Tešanj i „Grubin Export Import“ d.o.o. Brčko. Sastavni dio odluke čini zapisnik sa otvaranja ponuda i zapisnik o izvršenoj analizi dostavljenih ponuda. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da je ponuda ponuđača „Eurovez“ d.o.o. Tešanj neprihvatljiva jer nije u okviru ponude dostavljena potvrda o prezentaciji uzoraka, a što je zahtijevano tačkom 4.12. predmetne dokumentacije kao ni dokaze predviđene tačkom 3.4.2. tenderske dokumentacije – uvjerenje koje izdaje nadležna institucija ili agencija za kontrolu kvaliteta a kojim se potvrđuje da je na odgovarajući način tačno označena roba i da odgovara određenim specifikacijama ili normama. Ponuđač je ocijenjen kvalifikovanim i ponuda prihvatljivom. Nisu postojale računске greške u dostavljenoj ponudi. Nisu postojali elementi za sumnju u neprirodno nisku cijenu ponuda. Najpovoljnija ponuda se uklapala u procijenjenu vrijednost nabavke. Komisija za nabavke je u skladu sa kriterijem najniže cijene dostavila preporuku o izboru najpovoljnijeg ponuđača.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za javnu sigurnost,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.

